

Pacáiste eolais d'iarrthóirí

Oifigeach Sinsearach Cuntas

An dáta deiridh a nglacfar le hlarratais:
8 Nollaig 2025



Is comhlacht leathstáit neamhthráchtála é BIM a bunaíodh go foirmiúil faoi reacht (An tAcht lascaigh Mhara, 1952). Gníomhaireacht de chuid Stát na hÉireann é BIM atá freagrach as tionscal bia mara na hÉireann a fhorbairt. Is gníomhaireacht de chuid na Roinne Talmhaíochta, Bia agus Mara agus de chuid líonra Ranna Rialtais eile, gníomhaireachtaí leathstáit, páirtithe náisiúnta agus idirnáisiúnta mara é BIM.

Tá ceithre aonad gnó san eagraíocht: [Seirbhísí Teicniúla Bia Mara](#), [Seirbhísí Corparáideacha](#), [Seirbhísí Forbartha agus Nuálaíochta](#), [Seirbhísí Eacnamaíochta agus Straitéiseacha](#), agus [tacaíonn an Phríomhoifigeach Feidhmiúcháin leo sin](#). Tá Ceannoifig Bhord lascaigh Mhara i nDún Laoghaire, Co. Bhaile Átha Cliath. D'fhonn tacú leis an earnáil bia mara, tá cuid d'fhoireann BIM lonnaithe go straitéiseach sna pobail cois cósta a mbíonn siad ag freastal orthu, lena n-áirítear oifigí i nGaillimh agus sna Cealla Beaga. Ina theannta sin, tá dhá Cholaíste Náisiúnta Oiliúna BIM lonnaithe sa Chaisleán Nua, Co. Dhún na nGall agus i mBaile Chaisleáin Bhéarra, Co. Chorcaí.

Ta sé d'aidhm ag straitéis BIM feabhas a chur ar iomaíochas earnáil bia mara na hÉireann trí iomaíochas earnáil bia mara na hÉireann trí iomaíochas earnáil bia mara na hÉireann trí dhíriú ar na príomhthosaíochtaí straitéiseacha seo a leanas:

- Ceannaireacht a stiúradh agus a chothú
- Torthaí a chur ar fáil le réitigh a bhfuil tionchar acu ar athrú a dhéanamh
- Infheistíocht a dhéanamh i bhfás fadtéarmach
- An comhshaol agus an earnáil a chosaint

Ár Misean


Tacú le luach a mhéadú maidir le hearnáil inbhuanaithe bia mara na hÉireann, ar fud an tslabhra soláthair, ó ghabháil go dtí an tomhaltóir, agus sin a éascú.

Ár bhFís

Rachaimid i gcomhpháirtíocht le hearnáil bia mara na hÉireann le rún agus le práinn chun na hathruithe atá de dhíth a aithint agus a chur chun cinn le go mbeidh an todhchaí inbhuanaithe.

Ár Luachanna

- Iontaobhas
- Comhpháirtíocht
- Obair Foirne
- Cuimsiú
- Ionracas



Cuntas ar an Ról

Teideal an phoist:	Oifigeach Sinsearach Cuntas (Ardoifigeach Feidhmiúcháin)
Conradh:	Lánaimseartha; Fad Éiginnte
Áit:	Ceannoifig BIM, Dún Laoghaire, Co. Bhaile Átha Cliath, nó Oifigí Réigiúnacha BIM (obair hibrídeach, faoi réir é sin a chomhaontú)
Struchtúr Tuairiscithe:	Ceannasaí Airgeadais
Grúpa Seirbhíse:	Seirbhísí Corparáide
Cur síos ar an nGrúpa Seirbhíse cuí:	Cuireann Seirbhísí Corparáide tacaíocht, pleanáil agus riarachán ar fáil a bhaineann le hAirgeadas, TFC, Acmhainní Daonna, Soláthar, Saoráidí, Seirbhísí Infheistíochta agus líonra Ice Plant laistigh de BIM.

Achoimre ar an Ról

Ról lárnach laistigh den Fhoireann Airgeadais san aonad Seirbhísí Corparáideacha is ea ról an Oifigigh Shinsearaigh Cuntas, atá freagrach as príomhthionscadail a bhainistiú laistigh den fhoireann, agus é ag tacú le bainistíocht airgeadais éifeachtach oibríochtaí airgeadais na heagraíochta. Rannchuidíonn an ról le tuairisciú airgeadais cruinn, cinntíonn sé go gcomhlíontar ceanglais rialála, agus tacaíonn sé leis an eagraíocht i gcoitinne na cuspóirí straitéiseacha atá aici a bhaint amach.



Cúlra leis an Riachtanas

Is é BIM an ghníomhaireacht Stáit Éireannach atá freagrach as tionscal bia mara na hÉireann a fhorbairt. Tacaíonn sé le tionscal bia mara na hÉireann agus le pobail ina chinntiú go n-úsáidtear acmhainní uisceacha agus muirí ar bhealach inbhuanaithe.

Léireoidh an t-iarrthóir is fearr scileanna láidre anailíseacha agus réiteach fadhbanna, sár-mhionchruinneas, agus ardleibhéal cruinnis ina c(h)uid oibre. Beidh sé/sí eagraithe agus inoiriúnaithe agus beidh sé/sí in ann tosaíochtaí atá san iomaíocht le chéile a bhainistiú i dtimpeallacht a bhogann go tapa. Tá scileanna láidre cumarsáide agus idirphearsanta ag teastáil, mar aon leis an gcumas chun obair go comhoibríoch mar chuid d'fhoireann agus chun obair as a stuaim féin agus go neamhspleách.

Freagrachtaí

- Cuntais mhíosúla bhainistíochta a ullmhú suas go céim an athbhreithnithe deiridh de réir spriocdhátaí dochta.
- An clár comhardaithe agus iontrálacha leabhar cúnta a réiteach ar bhonn míosúil.
- Pacáistí tuairiscithe agus anailísí a ullmhú de réir mar a cheanglaíonn geallsealbhóirí éagsúla.
- Formhaoirseacht a dhéanamh ar shonrascadh féichiúnaithe agus ar rialú creidmheasa.
- Formhaoirseacht a dhéanamh ar phróiseáil bainc agus ar réitigh bhainc.
- Tuairisceáin a ullmhú agus iad a chomhdú leis na Coimisinéirí Ioncaim, lena n-áirítear tuairisceáin CBL, CCI agus TST.
- Tacú le próisis iniúcháireachta inmheánaí, lena n-áirítear faisnéis a sholáthar go tráthúil agus idirchaidreamh a dhéanamh le hiniúcháirí.
- Iniúchtaí seachtracha a chomhordú i gcomhar leis an gCeann Airgeadais.
- Dualgais ad hoc a chomhlíonadh chun tacú leis an gCeann Airgeadais agus leis an bhfoireann i gcoitinne.
- Ionadaíocht a dhéanamh don Cheann Airgeadais, más gá.



Taithí agus Cáilíochtaí Riachtanacha

- Cáilíocht ghairmiúil ábhartha sa chuntasaíocht nó san airgeadas, nó obair i dtreo an chéanna a bhaint amach.
- Taithí trí bliana ar a laghad ar obair i dtimpeallacht airgeadais a bhogann go tapa
- Sárscileanna airgeadais agus TF agus sár-mhionchruinneas
- Spriocdhátaí dochta a chomhlíonadh go seasta ar fud cúraimí éagsúla, agus cruinneas á choinneáil ar bun an tráth céanna
- Tá ríthábhacht ag baint le scileanna láidre cumarsáide agus le rúndacht

Inmhianaithe

- Taithí Earnála Poiblí.
- Taithí ar Power BI agus Dynamics 365 Business Central.
- Taithí ar Chórais Airgeadais a chur chun feidhme agus ar iad a fheabhsú go leanúnach.

Tréithe pearsanta atá de dhíth don phost

- Dinimiciúil agus iontaofa.
- Cumas chun obair ar bhealach eagraithe agus chun obair a chur ar aghaidh go neamhspleách.
- Neamhthuilleamaíoch agus dea-imreoir foirne.
- Taithí ar chomhoibriú le baill foirne theicniúla.
- Cumas chun obair go cáiréiseach le linn saincheisteanna a réiteach le geallsealbhóirí.

Teagmhálaithe

Laistigh de BIM

An Stiúrthóir Seirbhísí Corparáideacha, an Ceann Airgeadais, baill foirne BIM san Fhoireann Airgeadais, agus baill eile den eagraíocht i gcoitinne.

Lasmuigh de BIM

Iníuchóirí, na Coimisinéirí Ioncaim, an Roinn Talmhaíochta, Bia agus Mara.



Téarmaí agus Sochair

Tuarastal

Tá an luach saothair i gcomhréir leis an Scála Tuarastail atá ceadaithe ag an Roinn Airgeadais don Earnáil Phoiblí le haghaidh Ghrád an Ardoifigh Feidhmiúcháin, agus tuarastal sa raon idir €58,847 - €74,112 (amhail an 1 Lúnasa 2025) in aghaidh na bliana, a ríomhtar ar bhonn pro rata bunaithe ar an am a oibrítear.

Ag an gcéad phointe iontrála ar an scála a cheapfar an t-iarratasóir a n-éireoidh leis mura bhfuil an t-iarratasóir fostaithe laistigh de na Seirbhísí Poiblí faoi láthair.

Déanfar ball den Scéim Pinsin Seirbhíse Poiblí Aonair díot mura bhfuil tú i do bhall de scéim pinsin earnála poiblí i láthair na huaire (nó mura raibh tú i do bhall de scéim pinsin earnála poiblí le sé mhí anuas). Tá Scéim Tuarastail agus Pinsin faoi réir ag gnásanna faofa earnála poiblí agus glacann cuntas ar sheirbhís le déanaí san earnáil phoiblí ag teacht le himlitreacha agus rialacha ábhartha.

Saoire Bhliantúil

Is é 29 lá oibre in aghaidh na bliana pro-rata chun an t-am a oibríodh a léiriú an teidlíocht saoire bliantúla atá ag gabháil leis an ról seo. Níl Laethanta Saoire Poiblí san áireamh i dteidlíochtaí saoire bliantúla. Ní mór gach lá saoire a bheith ceadaithe roimh ré ag do bhainisteoir nó ag a n-ionadaí údaraithe i gcomhréir le polasaithe saoire BIM.

Clár Cúnaimh d'Fhostaithe

Cuireann BIM seirbhís EAP atá 100% faoi rún agus neamhspleách ar fáil trí Spectrum a chuireann comhairle ghairmiúil agus neamhchlaonta, eolas agus comhairleoireacht ar fáil ar réimse saincheisteanna lena n-áirítear ceisteanna dlí, airgeadais agus sláinte. Tá an tseirbhís sin saor in aisce d'fhostaithe agus tá sí ar fáil freisin do gharghaolta leat.

Seirbhís Sláinte Ceirde

Oibríonn BIM le soláthraí seirbhíse Sláinte Ceirde neamhspleách a chuireann tacaíocht agus comhairle ar fáil d'fhostaithe a bhfuil tinneas orthu nó riocht sláinte ag dul dóibh atá ag cur isteach ar a gcumas obair a dhéanamh.

Aonad Fístaispeána

Is féidir le fostaithe suas go €117 a fháil ar ais ar thástáil súl.

Taisteal agus Cothú

Íoctar costais taistil agus chothaithe le fostaithe a bhfuil orthu taisteal i gcomhréir le rátaí ceadaithe.

Scéim Coigilteora Cánach

Is féidir le fostaithe a thaistealaíonn chuig an obair ar an gcóras iompair phoiblí leas a bhaint as Ticéad Coigilteora Cánach bliantúil chun méid suntasach airgid a shábháil ar chostais taistil.

An Scéim um Rothaíocht chun na hOibre

Is féidir le fostaithe a thagann chuig an obair ar rothar nó a bhíonn ar rothar le linn cuid den turas leas a bhaint as an Scéim um Rothaíocht chun na hOibre.



An Bealach le hiarratas a dhéanamh:

Ba chóir C.V. iomlán chomh maith le litir iarratais agus a [Foirm Iarratais Folúntais BIM](#) chomhlánaithe ina ndéantar cur síos ar thaithí agus scileanna a bhaineann leis an bpost, a sheoladh ar ríomhphost chuig:

jobs@bim.ie

An dáta deiridh a nglacfar le hlarratais:

8 Nollaig 2025

Tabhair ar aird go bhféadfadh níos mó ná céim agallaimh amháin a bheith i gceist leis an bpróiseas earcaíochta don ról seo agus go bhféadfadh BIM iarraidh ar na hiarratasóirí a roghnaítear cur i láthair gearr a dhéanamh ar ábhar a bheidh roghnaithe roimh ré ag céim an agallaimh dheiridh. Tabhair ar aird nach nglacfar le hiarratais a bheidh déanach.

Ardoifigeach Feidhmiúcháin agus tá Bord lascaigh Mhara ag teacht le Samhail Inniúlachta na Seirbhíse um [Cheapacháin Phoiblí Inniúlachtaí PAS](#)

Úsáid Sonraí

Ní bhainfear úsáid as na sonraí pearsanta ná an fhaisnéis go léir a chuirtear ar aghaidh leis an iarratas seo ach chun críche an fheachtais sin agus don fheachtas sin amháin, agus déanfar na sonraí agus an fhaisnéis a scríosadh ansin i gcomhréir le Polasaí an Rialacháin Ghinearálta maidir le Cosaint Sonraí agus an sceideal coinneála sonraí atá againn.

Caithfear le gach faisnéis go huile agus go hiomlán faoi rún agus ní bheidh rochtain ar an bhfaisnéis sin ach ag na daoine sin a bhfuil baint dhíreach acu leis an bhfeachtas

Ba cheart aon cheist maidir leis an ról seo a sheoladh ar ríomhphost chuig jobs@bim.ie

Is fostóir comhdheiseanna é BIM, agus táimid tiomanta do chinntiú go bhfuil rochtain iomlán agus chothrom ag gach iarrthóir earcaíochta, mar is féidir a sholáthar le réasún. Má theastaíonn aon tacaíocht nó cóiríocht uait mar chuid den phróiseas earcaíochta, déan teagmháil linn go díreach ag HRinbox@bim.ie.